

Dhibaarooyinka qaarada Afrika iyo isgaadhisiin xumada haysata

Waxaa diyaariyey:

Hassan Nuur

SRG14@jubiimail.dk

Waxaa qaarada Afrikka ka jira dawlad xumo, siyaasad xumo, khilaaf iyo dagaalo kuwaas oo dhaqaalihii iyo aqoontiiba la degay, horumarkiina curyaamiyey, waxaa kale oo jira cudurro, faqri iyo hayaan ay dadkii ka qaxayaan dalalkoodii markii ay halakeeyeen aafooyinka aynu soo sheegnay.

Haddaba aqoon-yahanka iyo indheer-garadka Afrika sidee ayey ugu muuqataa in qaaradu dhibaatooyinkan waawayn ay uga bixi karto?

Inta aan arintaa laga jawaabin waxay u baahan tahay in la ogaado dhibaatooyinkaasu waxa ay salka ku hayaan, inaga oo is waydiin karna maxay tahay dhibaatooyinka qaarada haysta, sida aan soo sheegay waxaa jira aafiooyin waawayn oo qaarada ka taagan oo ay ka mid yihiin:

Dawlad xumo, Khilaafaad, dagaalo, horumar xumo, daryeel la'aan dadka qaarada, cudurro, faqri iyo hayaan ay dadkii aqoonta lahaa iyo xoogii shaqadu ay ka hayaamayaan Afrika, sidoo kale waxaa iyana hayaamaya ralacta loo yaqaan ra'sul maalka iyo hantidii dadka oo iyaguna si macno daro ah uga buuxa bankiyada qaarad Yurub.

Arimahaas aan soo sheegnay ayaa inta badan waxay keeneen ay qaarada ka hayaamaan arimaha aan skor ku soo xusnay oo ay hayaamaan dhinaca reer galbeedka, khaasatan qaarada Yurub oo dhawrkii qarni ee la soo dhaafay qaarada Afrika lala lalahayd xidhiidh dhinacuu doonoba ha ku saabsanaado'e. Xidhiidhkaa wuxuu mar ku saabsanaa in dhacii khayraadka Afrika lagu hayey, ganacsigii dadka, adoonsigii qaarada ilaa iyo laga soo gaadhaday nanadihii 60mmadkii oo loo yaqaanay sannadkii xornimada qaarada Afrika ilaa iyo la soo gaadhaday waqtigan oo ay qaaradu la ciirciirayso dhibaatooyinkii ay abuureen fara gelinta shisheeyaha, khaasatan fara gelinta Yurub oo iyadu oo aan qaarada marnaba ka qoob qaadin xataa markii dalalkii Afrika xornimada qaateen ku dhahoo. Arimahaas oo la odhan karo inta badan dhibaatooyinka qaaradu salka ayey ku hayaan.

Tusaale wanaagsan waxaan u soo qaadan karnaa dalka Soomaaliya, markii xukunka laga tuuray dawladii M. S. Barre Muqdisho waxaa ka dhacay arin u eg, wixii ka dhacay magaalada Baqdaad maalintii ay soo galeen ciidamdi xilafada ee uu Maraykanku hogaaminayey. Sida aan ka arkaynay talafeshinada ama ay sheegayaan warbixinadu maalintaa waxaa magaalada la keenay dad debada laga keenay oo fawdo samaynayey, dadkaas oo bilaabay burburinta magaalada, dhaca iyo bililiqadii magaalada loo gaystay, xataa waxay dab qabadsiyeen kaydkii laamaha dawlada. Markii la ogaaday in dalwadii Sadaam dhacday dadku way so dhaweeyeen sida muuqatay, haddana xaalandu waxay is bedeshay isla markii la ridayey sawirkii waynaa ee Sadaam, halkaas oo xabadii u horraysay ka bilaabantay. Ciraaqiyiinta intii wax fahmaysay waxay markiiba dareemeen in dadkaasu calooshood u shaqaytayaal iyo kuwo kale oo heshiisyo lala galay ay ahaayeen. Tijaabada noocaan ah ayaa ahayd mid horay looga fuliyey meelo qaarada Afrika ka mid ah sida caasimadii dalka Soomaaliya ee Muqdisho. Arintaa waxaa loo baahan inay si daacad ah oo taariikh leh uga hadlaan ragii maalintaa qorshayaashii Soomaaliya lagu burburinayey loo dhisay ee filnayey, ragas qaar badan oo ka mid ah ayaa maanta nool, waxaana loo baahan yahay in arinka si geesinimo u wajaan wixii dhacay dhace'e oo uga hadlaan arinkaa si daacad, waayo arintu ma aha mid Soomaaliya oo keliya khusaysa...


Hadii aan u soo noqdo dhibaatooyinka Afrika ka taagan, waxaa is waydiin leh inaan iswaydiino dhibaatada Afrika haysata mawaa u sabab ah:

Siyasasad xumo, mise baahi oo dhaqaalaha Afrika ayaa sidii la rabay aan loo horu marin, mise waxaa u sabab ah arimaha musuqmaasuqa oo dadka ayaa khayraadkii qofba inta uu soo gaadho ayuu jeebka gashaday, mise arimaha keligii talisnimada iyo xukun jacaylka qaaradu ku caan baxday ayaa is maan dhaafka keentay, mise arimuhi intaa waa ka sii qoto dheer yihiin oo waxaa u sabab ah fara gelin shisheeye.

Arimaha Faragelinta ee qaarada hadaan tusaale u soo qaadano dalalka ugu waawayn ee qaarada ka jira:

Dadka reer SA ayaa la odhan karaa waxay ka mid yihiin dadka qiiimaha wayn ku bixiyey sidii ay xorriyadooda u heli lahaayeen ayaa haddana marka aad eegto waxa dalka ka taagan waxaa la odhan karaa dalku wuxuu maanta ku jiraa xaalad dagaal.

Waxaa dalkaa maanta fara ba'an ku haya dil, dhac, kufsi, cudurka HIV-ga oo dalka ku faafaya iyo iyadoo ay samaysmayaan dabaqado aad u kala duwan. Hogaame diineedka caanka ah ee **Desmond Tutu** oo si wayn oo nabadgelyo ah uga soo qayb qaatay baabi'intii nidaamkii midab kala sooca ayaa isagoo ka hadlaya dhibaatooyinka dalka soo wajahay ka dib intii dadka madaw ay xukunka la wareegeen 6dii Oktober ee sannadkan u diyaar garowgii xuskii dhalashadiisii 75aad wuxuu is waydiiyey "waar sidee wax inaga yihiin, dhibaarooyinkii cunsiyada waxay u doonaynay in la baab'yo, waxay ahayd innaga oo u aragnay in aynu waynay xuquuqdeenii, waa maxay fawdadani iyo kuksigu" Xuska dhalashada ayaa la odhan karaa wuxuu uga faa'iidaysanayey sidii uu dhegaha madaxda iyo dadka kaleba ugu dhibcin lahaa dhibaatada dalka soo wajahaday...



Wasirka: news24.com

Dalka Naigeria oo ka mid ah dalalka ugu waawayn qaarada isla markaana leh khayraad badan ayaa waxaa idhaha ka tuuray musuqmaasuq ay gaysanayaan shirkado iyo shakhsiyad si wayn ugu talax tegay wax is dhaafdhafinta. Dadka dalkaa oo ay ku jiraan shaqaalaha muhiimka ah ee waxsoosaarka sida kuwa ka shaqeeya Patrolka ayaa haysan daryeel, marmarka qaarkoodna waxaaba soo wajaha mushahaar la'aan, sida la sheegayo khayraadkii dalka ayaa baylah oo lagu hayaa dhac. Dawlada ayaa arimahaa u caal la' inay wax ka qabato, mararka qaarkood shirkadaha iyo shakhsiyadkaas oo ah ku xoogaystay dalka ayaa dawladu indha laabtaa inay wax-ka-qabato dhibatooyinkaaa. Dagaalo ka dhashay khayraadka dalka ayaa ciidamadu had iyo gooraale la tacaalaan, inta aan dawladu xooga saarin meesha dhobaatadu ka imanayso.

Hadii aan u soo noqono dhinaca Bariga Afrika (BA) dalka Ethiopia oo ah dalka ugu wayn gobolka ayeynu la soconaa marxalada dalkaas oo maray iyo dagaalada gudaha iyo xuddha kaga furan dalkaas oo ay ku nool yihiin dad gaadhaya ilaa 80 m oo qof. Dalalka Uganda, Rwanda, Burundi iyo DR Congo ayaa ah kuwo soo maray, qaarkoodna ay ilaa hadda ku jiraan dagaalo iy Xasuuqyo aan loo meel deyin, dalka Kenya ayaa la odhan karaa waa dal uu la degay musuqmaasuqu oo waxyeelo iyo dib u dhac ku haya deganaanshaha gobolka, horumarka iyo maamul wanaaga. Soomaaliya ayaa iyada waxaa hadheeyey khilaaf meel uu madaxa ku hayo aan la garanayn, dalka Jabuuti iyo Tanzania oo iyagu ah meelaha ugu roon, iyadoo marka la eego dhibatooyinka ku xeeran la odhan karo xaalada Jabuuti waxay noqon kartaa mid faraha ka baxdo, hadii xaalada gobolku ka sii darto.

Dhibaatooyinka ka taagan dalka Suudaan ayaa la odhan karaa waxay qayb ka tahay hagardaamooyinka qaarada qaarada ka taagan. Si kastaba ha kusoo bilaabmeen dagaalka Suudaane, waxaan la soconaa in muddo 25 sano ah uu dagaal ka aloosnaa koonfurta dalkaas, kuwaas oo gaystay dib-u-hac, barakac iyo dhimasho dad badan oo ku waxyeeloobay, iyadoo markii heshiis laga gaadhadhay dhibaatadii dhanka koonfureed ee dalkaas, haddana uu khilaaf ka aloosmay dhanka galbeedka dalkaa.

Dalka Masar oo isaguna ah dal wayn oo qaarada ka jira ayaa marka laga hadlayo xaga horumarka dhaqaalaha iyo xaga siyaasada u muuqda mid isagu tareenka ka sii deganaya.



Wararkiu ugu danbeeyey ee patrolka Sudan

Haddaba innagoo qiimaynayna siyaasada qaarada iyo meelaha ay xidhiidh ahaan ku tiirsan tahay oo sida aan ognahay qaarada Afrika xidhiidhkii ay dhawrkii qarni ee la soo dhaafay la lahayd dunida reer galbeedka, khaasatan dalalka Yurub, waxay ka soo wajahay dhibaatooyin aad u waawayn oo ay ka mid yihiin ganacsigii dadka, Gumasigii qaarada iyo fara gelinta joogtada ah oo sida gurracan ugu socda nadaamka dawliga ah ee Afrika oo isagu ku dhisan ama lagasoo minguuriyay nadaamkii boqortooyada ahaa ee ka jiray sannadihii 1840meeyadii qaarada Yurub.

Warbixin dhawaan soo baxaday ayaa sheegaysa in qaarada Afrika sannadkii lagu bixiyo lacag mucaawinooyin ah oo ku dhaw ilaa 6 billion oo doolarka Maraykanka ah. Lacagtaas oo inta badan lagu bixiyo mucaawinooyinka deg dega ah ayaa la sheegay in sida la rabo aan loo isticmaalin, isla markaana dadka u baahan ay gaadhaan wax yar oo soo daahay, sidoo kale lacagtaa ayaan wax saamayn ah ku yeelan arimaha muhiimka ah oo ka qayb qaadan kara horumarka. Sida muuqata lacagtaa ayaa waxaa inta badan xantoobsada ururo iyo shakhsiyaad reer Yurub ah, sababo badan awgood. Ururadaa ama NGO-yadaa waxaa inta badan loo adeegsadaa arimo badan. Waxay kale oo ururadaasi ka qayb qaataan hurinta dhibaatooyinka iyo xaalad abuur, mana aha kuwo ka fkera dhibaatada ay u gaysan karaan horumarka iyo deganaanshaha guud ee qaarada. Xataa inta badan ma keenaan fekerka dhaxal galka ah oo Yurub ku horu martay, waxaana lagu sababayn karaa iyadoo ay jiraan hadaf ah in baahidu sii socoto, waayo shakhsiyaad aan dalalkan wax sumcad ah ku lahayn ayaa laga yaabaa in ay Afrika ugu nool yihiin sida boqorada.

Haddaba qiimaynta xidhiidhka siyaasadeed ee qaarada oo ku tiirsan tahay xaga Yurub sida muuqata waa mid u baahan in wax laga bedelo, tusaale waxaa siyaasiyiinta cusub ee qaarada la gudboon in loo tabaabulshaysto in xidhiidhkaa wax laga bedelo. Waxaa is waydiin leh hadaba sida wax looga bedeli karo iyo baahida keentay in isbedel la helo, waxaynu hadaba ku salaynaa labadan soo socda:

1. In la soo nooleeyo magdhawga xaga damiirka ah ee qaarada Yurub ay ka gashay dadka Afrikaanka, in ganacsiga iyo Ra'sulmaalka ganacsata waawayn ee Afrika loo wareejiyo dhan kale oo noqon kara:
2. Maraykanka, marka aad eegto dadka madow ee Maraykanka ee ku yimi adoonsiga ayaa la odhan karaa way ka duwaan karaan soogalootiga Afrikaanka ah ee qaaradan Yurub oo sababo badan awgeed aan laga rajayo qabin in waqtii dhaw ay Yurub ka soo baxaan hogaamiyaal ama dad madax sare ah oo dawr ka cayaari kara in wax laga bedelo xidhiidhkii soo jireenka ahaa. Sidaa awogood waa muhiim marka la eego xaga dhaqanka in arintaa dowr wayn la siiyo...
3. Waxaa suuro gal ah iyadana in xooga la saaro xidhiidh lala yeesho dhanka China, si uu u yimaado tartan si wax looga bedelo habdhaqankii xidhiidhka Afrika iyo Yurub u dhaxayn jiray.

Marka aan ka hadlayno arimaha China waxaan tusaale u soo qaadan karnaa dalka Soomaaliya oo gumaystayaashu ay haysteen ilaa muddo gaadhaysa 80 sano ma jiraan waxa wayn oo waqtigaa dheer ay ka qabteen. Sida aan la socono xagga isgaadhiisnta iyo dhismaha Chinuhu wuxuu ku guulaystay in dalka Soomaaliya uu wax wayn ka bedelo.

Arimahaa inaga oo tixraacayna waxaa Afrika ka jira baahi dhinaca isgaadhisinta si qofka beeraylada ama wax soosaaraa uu u helo gaadiid uu badeecadiisa saaro, wado/gegi uu mariyo iyo inuu helo suuq u baahan, suuqaas oo noqon ah Afrika dhexdeeda. Si arimaha Afrika ka dib dhacsan tahay loo hirgeliyo waxaa loo baahan yahay qalab, aqoon iyo logistic. Intaa aan soo sheeganay waa laga heli karaa Yurub iyo meelo kaleba laakiin dhibaatadu ninka reer Yurub isaga ayaa laaluushkii bilaabaya, ka soo qaad:

Wado ayaa la dhisayaa, injineerkii Afrikaanka ama wasiirkii shaqada loo qabanayey wuxuu gorgortan la gleayaa ninkii cadaanka ahaa, isaga oo waydiisanaya in wax la siiyo. Ninkii Afrikaanka ahaa waxaa la siinayaa 5% laaluush ah. Marka Afrikaanka la ogolaysiyo 5%, ninkii cadaanka ahaana wuxuu jeebka gashanayaa 40% ama ka badan.

Waxaa kale oo loo baahan yahay si Afrika isugu furanto oo u kala ganacsato in la baabi'yo caqabadaha Afrika la kala dhex dhigay ee colaadaha iyo in shakhsiyaad inta ururo NGO-yo inta u gacan haadiyaan ay yiddhaahdaan halkan dagaal abuur, lacagtana qaado. Si arintaa loo furdaamiyo waa in la helaa siyaasado furfuran, isbedel siyaasadeed iyo warbaahin xor ah oo u shaqaysa nadaamka hadda jira oo ah mid ay gumastayaashu ama ururo NGO-yo ah ay abuureen.

Sida ay u shaqeeyaan warbaahinta Afrika waxaanu tusaale u soo qaadan karnaa:
Warbaahinta ka jirta dalka Soomaaliya iyo Ugandha oo ah dalal soo maray dagaalo sokeeye.

Sida aan maqlay dalka Uganda waxaa ka jira ilaa iyo 50 Raadye oo FM-yo ah, haddana dhibaatada jirta waxaa laga yaabaa in aanu jirin xidhiidh ka dhexeeya iyo hadaf siyaasadeed oo u degsan iyo xataa inuu mideeyo dal leh ujeedo iyo hadaf midnimo. Mar aan tegay dalkaas waxayaalihii aan aad ula yaabay waxaan ka mid ahaa aniga oo arkay in dadka xataa aanay oqoon in laydhka la dimiyo markaan loo baahnayn, si tamarta loo kaydiyo. Markii arintaa aan dadka wax ka waydiiyey, waxaan ogaaday sababtu inay tahay inaan dadkuba ku baraarugsanayn (ogayn) in tamata oo la kaydiyo ay qofka u baaqanayso lacag, in mshiinada tamarta dhaliya uu ka yaraanayo culayska shaqo oo ay hayaan, in xataa waayirada iyo guluubada la isticmaalyo uu cimrigoodu dheeraayo iyo in deegaanka iyo hawaduba ay wasakhdu ka yaraanayso. Hadaba aan soo qaadano warbaahinta oo si wanaagsan loo adeegsado waxtarka ay ummadda u leedahay, aniga oo tusaale u soo qaadanaya FM-yada ka jira Soomaaliya iyo dalka Uganda iyo weliba xidhiidhka dadka iyo warbaahinta ka dhexayn kara iyo weliba masuuliyada qofka muwaadinka ah saaran oo ka saaran nolosha iyo degaanshaha dalkisa:

I. Uganda:

1. Qofka muwaadinka ah dawlada xil kama saarna, waayo daryeel kuma dawladda, markaa qarashka uu bixinayo waxba kagama soo noqdaan, waayo wado uu maro looma sameeyo, rugo caafimaad oo wanaagsan looma sameeyo, ixtiraam kale dalkiisa kuma qabo, marka uu wax soo saaro badeecadiisa wado uu marsiyo, gaadiid uu saaro iyo suuq uu iib-geeyo midna uma diyaar-sana, dalalka deriska ah waxba kama soo iib-gayn karo oo colaado ayaa xuduudaha ka aloosan iwm.
2. Warbaahinta dalka waxaa loo isticmaalaa inta badan arimo siyaasadeed iyo waxyaalo la xidhiidha xagga madadaalada, balse waxaa ku yar maclummaadka dadka jecalsiin kara.
3. Ma jiraan ururo isku duba ridan (organised) oo dalalkaa ka jira oo xuquuda dadka u dooda, qofka iyo dawlada looma dhexeeyo...

II. Soomaaliya:

Soomaaliya waxaa ka jira warbaahin gaadhaysa ilaa saddex nooc mid kasta sida ugu xun loo adeegsao, kuwaas oo kala ah:

1. Laga soo bilaabo 90meeyadii waxaa Soomaaliya ka samaysmay idaacado/radio-yo u badan FM-yo oo intooda badan hoos taga qabaa'il, jabhado iyo shakhsiyad, waxaa kale mareegta internetka oo intooda badan loo adeegsado amuuro la xidhiidha in lagu buunbuuniy afaaraaha qabaa'ilka (wararka la xidhiidha dagaalada Soomaaliya ee weerarada iyo weerar celiska).
2. Sida aan la socono Soomaalida oo loo yaqaan dad hadla (oral Society), kaas oo dhibaato badan isaguna hadda ku soo jiray fawdo iyo dagaalo, waxaa la odhan karaa waxaa kale oo wax wayn ay iska bedeleen intii webyada iyo raadyayaasha ay gacanta ku hayaan dadka aan masuulka ahayn, waayo intaa waa hadlayaan, way buuqayaan, way hanjabayaan, arimihii qabiilka oo ay siyaasadeeyeen ayey waalaaqayaan. Waa warbaahin aad u tayo liidata oo aan inta badan aan sheegin waxyaalaha xagga wanaaga u socodsii kara dadka.
3. Qaybta saddexaad ayaan ku tilmaamaynaa warbaahinta aduunka, qaybaheeda kala duwan ee Soomaaliya lagala socdo

Tusaale ahaan ugu yaraan waa in warbaahinta laga heli karaa 24 saac wararka ay dadku xiisay karaan oo ku xidhan hadba dhaqan dhaqaalaha meesha... Afrika marka la eego warbaahintu waa inay dhibaatooyinka xalisaa, sida wax ka qabasha musuq-maasuqa, arimaha horumarka oo dadka la dareensiin karo, shaqada, xuquuda dadku leeyahay, wacyi gelinta magaalada iyo waxa beri xataa qofku ku fekeri karo marka uu suuqa aado... iwm, arimahaas oo dhan ayaan la odhan karaa warbaahinta Afrika way ka madhan yihiin, waxaana sii sabla sida muuqato in dadku aanay ku dhaqmin waxa yar oo macluumaadka oo ay sii dayaan arimaha ay ka mid yihiin dareenka dadku sida u dareensan yahay waxa dawladu tahay iyo dalkuba iyo weliba weliba wacyi gelinta ay gudbinayaan oo tayadeedu hoosayso. Waxaa la odhan karaa arintaasi waxay ka mid yihiin sababaha keentay in dadka dunida sadexaad in ay guud ahaan ku tiirsanaadaan wararka ka baxa idaacadaha iyo tlefeshinada waawayn sida CNNka, Aljazeera iyo waxa la midka ah, waxaa la odhan karaa way kala qaarada Afrika waxaa kala xidhiidh furtay dawlada, shacabka iyo warbaahintu intuba... Marka aad eegto dalalka reer galbeedka waxaa dukaamada ku arkaysaa iyadoo aad loogu iibinayo raadyayaasha soo qaban kara raadyayaasga FM-yata ah oo keliya. Waxaa laga yaabaa inaad hawl badan ka marto dalalka qaarkood hadii aad is tidhaahdo raadi Radio soo qaban kara mawjadaha SW ama MW. Balse la soco akhristow wixii ka horreeyey lixdameeyadii waxaa dalalka Yurub laga dhegaysan jiray raadyayaasha soo qabta mowjadaha aan soo sheegnay, maantase guri kasta waxaa yaalaa radio FMta keliya qabta, dadkuna marka aroortii ay toosaan ayey inta badan ay furaan. Qofku inta uu quraacanayo ama is diyaarinayo ayuu kala socdaa hawadu sida ay tahay, meelaha maalintaa ay ka jiraan dhaqdhaqayo, waxyaalaha xayeysiinta ah wararka arimaha kale ee xiisaha leh, arimahaas waxay ku yimaadeen rabitaanka dadka ee kuma iman sharci lagaga mamnuucay, markaa Afrika istaatijiyyadii noocaas ahayd ayaan lunsan, waana arinta keentay in dadka ay kaxaystaan warbaahinta ka soo talowday dunida dacalkeeda kale.

Isku soo duuduuboo warbaahinta ay Soomaalidu gacanta ku hayso ayaan lagu tilmaami kartaa mid la jaan qaaday dagaalkii sokeeye, isla markaana intooda badan aan weli helin in ay hogaanka u qabtaan dad wadaniyad leh iyo xataa aqoon idaacadaha qaarkood ayey gacanta ku hayaan dad aad u tayo liita. Mararka qaarkood warbaahinta noocan ah ayaan ah khasaare mooyaane faa'iido dadka uma laha. Guud ahaan warbaahinta dalalka Afrika ayaad odhan kartaa waa isku isu dhigmaan, ka sooqaad Raadiyihii loo yaqaanay Emil Colin oo uu gacanta ku hayey nin Belgium ah ayuu ahaa raadyihii ka qayb qaatay in dalka Rwanda lagu xasuuqo dad gaadhaya ilaa 800 oo kun oo qof, waxaa jiray [Raadio](#) iyo [TV](#) lagu magacaabi jiray Hills Independent [Radio](#) and [Television](#) (RTLM), waxaa la odhan karaa xasuuqii Rwanda waa waxyaalaha aanay Afrika ilaawi doonin oo ku xiga Ganacsigii dadka. Soomaaliya lafteeeda markii dawladii M. S. Barre la riday sannadkii 1991 Radio Muqdisho wuxuu noqday meelihi laga dhiiri gelinayey dagaalkii iyo weeraradii qabaa'ilka, kadibna

markii khilaafkii u dhaadhacay hoos iyo hogaamiye kooxeedyada nin waliba wuxuu furtay wax uu ku tilmaamay Radio.



Waxaa diyaariyey:

Hassan Nuur

SRG14@jubiimail.dk

Afeef: Aragtida qoraalkan waxaa leh qoraaga ku saxiixan

Faafin: SomaliTalk.com | Oct 11, 2006